

CBM Uganda

IJENUNETA NU ITODIARITOS ABEIT NAKE EBAIBILI

EJAI LOKASUBAN IRWAN UUNI (IYAN)?

KOJENU AJENA NA EJAI KIDING EJAKAIT EDEKE KEDE YESU

Arai kisiom ijo apapula na ijenuni ijo abongonokineta naka aingiseta kanu.

1. Inyo ajena na ejai kiding Edeke Kede Yesu?
2. Ejena bo Yesu bala ngai Kotoma aiwadikasiasa?
3. Kanu kinyo mam Yesu eraunor Edeke?
4. Ingai, karai, inyobo emoyo noka launan?
5. Anyoina bo ajena koingaren na ebuni ajaun kiding Edeke kede Yesu.

1. INYO AJENA NE EJAI KIDING EJAKAIT EDEKE KEDE YESU?

Ipu noi ikokoron kotoma obaibuli nu inheritos cut kaica eipone no ejari ajena kiding Ejakait Edeke kede Yesu. Kisisianakini oni ebaibuli ebe erai Yesu okoku loka Edeke. Kinerite bobo da ebe erai Edeke papake ka Yesu Chrisito.

Abu emalaika kolimok Maria ebe: "Ibuni ijo apotun kakoik kon Ikoku Isapat, enyarao ekekiror Yesu.

Eraun ngol lokapolon enyarao okoku loka Je loejai kuju kakufu" (Luka 1:31-32).

Kaparan naka a Batisimu ka Yesu, "Kobu eporoto Kokuju ebe lo nesi okokuka lominat loalelia eong noi" (Matayo 3:17). Nu apapa kere elelete kanu oduwe kec nu erimaka. Mam Edeke itegelikina.

Konye kwape edio kaurian kere mam duc papa eraunon bala okoku karaida okoku mam duc eraunon bala papa, aso mam Edeke da eraun Yesu, Yesu da mam eraun Edeke. Dima arai, erai Yesu okoku loka Edeke, Ejakait Edeke nesi papa ke Kayesu.

Erai Yesu ailore (Eputosi) ka papa ke Ejakait Edeke, erai da einono loka ejautene ke, edakit iboro kere kakirok naka akepedori (Iburaman 1:3). Arai kite ijo alabira lwanyoni ijo akoni Puto. Konye aputo ngin mam erai akuwan kon erai ailoret. Aso kanu kangun mam Yesu da erai ebe ekekuwan cut nesi naka Edeke. Erai ngesi ailoret naka aibuses naka Ejakait Edeke no erai papa ke mama ejasi itunga. Nu apapa duc ejanakinos kede ikec duwe Ejakait Edeke ejai duc. Konye Yesu okoku ke eringa ber. Kilimokit oni Petero ebe aponi kisiaunai Yesu ajenunio koringa akwapin kesuba, konye aponi kitakanunai kawasiasa naka apakio kanukus (1 Petero 1:20).

Amamei Yesu eringa keuria nesi. Aponi kouriai nesi narai "Narai komina Edeke akwapin kwanata, abu koinak okoku ke lote luna tetere ngin tunganan yen iyuuni ngesi kinye awolior, konye kojasi ka aijara na ikaru kere" (Yokana 3:16). Abu Edeke koinak okooke, arai kinonokiki oni kidumuni aijar.

Oipome nope enyaritor Edeke Yesu kwape okoku ke loteluna, opone ngopengon enyaritor Yesu de Edeke papa ke. Abu kolema atiar alosi mama ejai papa narai papa nges lokapolon adepar eong (Yokana 14:28). Arai erai Edeke lokapolon oipone bani bobo erianuneta Yesu kanesi?

Kingisi Yesu nu ikamunitosi aparan naka wasiasa abu kobongok ebe, kaparan kaya ka esawa da emamei yenjeni karaida imalaikan luejasi toma akuju, karaida okoku, dimikito papa bon (Marako 13:32). Arai erai Edeke bon ejeni komam Yesu ejeni ikonakini aii erianunete? Nu kere kito dikinete oni ebe erai Yesu okoku loka Edeke konye mam nges erai Edeke.

Abu Yesu, kiner akaulo kajarun ke atiar adokari alosit nejai papaka, ngesi papa kusi da mama ejai ekadeke ngesi ekusideke da (Yokana 20:17). Paulo da eyakia enyarit Edeke ebe, Edeke papa loka Ejakait Yesu loituritoni ikaru kere ejeni ebe mam engalai (2 Ikorinton 11:31). Erai Edeke kede okoku ke Yesu itunga iyarei nu egitakina konye mam erasi ediope tuwani Edeke nesi papa ke ka Yesu Chrisito. Apotu iyakia Paulo kaYokana kojenu ajena na ejai kiding Edeke kede ka Yesu. Abu Paulo kiner atiar, erai Yesu Chrisito akoa naka ngini tunganan, erai Edeke akau Ka Yesu Christo (1 Ikorinton 11:3). Kapak kangin kodaunite Yesu ainap akuwan na mam etwani. Ido kojai toma akuju, konye mam ba erianuna kede Edeke kwape erar nesi okoku.

Kotoma abeit eringa Yesu erai etunganan, mam erai Edeke. Kilimoket oni Paulo atiar, ejai Edeke ediope ejai da ekadiekan ediope loka Edeke ka itunga nesi etunganan Chrisito Yesu (1 Timiteo 2:5).

Mam cut, eringa Edeke enyarauna kwape etunganan. Yesu da eringa enyarauna kwape Edeke, okoku erai Yesu okoku loka Edeke cut obe, etiakak kesi. Ejai okoku da bon ejai papa ba bon.

Abu Yokana kiner atiar, arai elimori itunganan ebe Yesu ngesi okoku loka Edeke esali Edeke

tomakeng nesi da toma Edeke (1 Yokana 4:15). Neni kija kooni. Erai Yesu okoku loka Edeke cut obe.

2. EJENA BO YESU KWAPE NGAI KOTOMA AIWADIKASIASA?

Ejena nesi kwape "Yesu", "Chrisito", "Ejakait" kede "Eisisianakinan". Kosodi bobo:

- (a) Enyaritai ngesi kwape okoku loka etunganan kobaibuli (Irwan 81).
- (b) Okoku loka Edeke (Irwan 27) kobaibuli.
- (c) Okoku loka Daudi (Irwan 17) kobaibuli.

(d) Okoku loteluna (Irwan 8) kobaibuli.

Enyaritai Yesu kwape okoku loka etunganan narai aponi kouriai kwape idio tungan kere yen euriei aberu, enyaritai bobo nges kwape okoku loka Edeke narai Edeke nges papake. Kwape okoku loka Daudi narai erai nesi etatait ke kabaka Daudi, ebonguni akwap na kwape Ekabaka aiboikin oicolong loka papaake Daudi (Luka 1:32,33), enyaritai kwape okoku loteluna narai enonokikit nesi Edeke, papake.

Itutubena ne kere 133, itodiaritos cut ebe erai Yesu okoku loka Edeke, Ejakait Edeke nesu papake. Ekot oni cut acamun ajena nuto nu kinakit oni Ebaibuli.

3. KANUKINYO MAM YESU ERAUNOR EDEKE?

Karaida ejasi Edeke kede ka Yesu nepepe kotoma alosikinoto, egelegela aswamasinei kec.

Abu Ejakait Edeke koinak Adamu aseun. Konye abu Adam kodiaka kanu nesi amamut kayongit Edeke. Kanukangun idio itunganan kotoma akwap na ejatar kede akuwan na ebosi. Ayaun aitajario, karai adum aijar na ikaru kere mama wok nesi ne abunio okoku loka Edeke atwanikin oni kotoma omusalaba kanu ainyakakin oni mama ejai Ejakait Edeke. Okoku loka edeke ngol lo itwanikini on kotoma omusalaba nesi Yesu Chrisito, abu kodau aitajarauno kokatwak (1 Ikorinton 15: 20-23, 42-49).

Mam Ejakait Edeke apedori aswam ngin nesi olope, narai enapit nesi akuwan na mam etwani karaida adiakar. Mam nesi epedorio acodun (Yacob 1:13). Kanu narai anapit Yesu Chrisito akuwan na etwani, kanuka ngun abu kitor acodunio, karaida mam nesi isomat adio diaket kere, konye kepedori adikar (Iburamian 2: 18; 4:15).

Abu Edeke koinak okooke akwapin tetere itajario akwapin kanukeng (Yokana 3:17). Ne kiikorok oni kirai ikadiakanarak, abu Christo kotwanik oni komusalaba, kitajario da kanukeng (Iromayon 5:8-9). Mam Edeke ediakari karai atwanare kanukangun abu koyau aitajario kotoma Chrisito Yesu no abu kotwana kanu wok. Karai kimam Yesu ecodunitai, tii mam ake aipikor adiakar epol, konye kwape aponi kocodunere nesi ido kipiko acodunio apolouke ebe epol noi noi ake ipikor adiakar. Kanuka ngun mam Yesu ejai oiyan. Erai nesi okoku loka Edeke.

4. INGAI, KARAI INYOBO EMOYO NOKA LAUNAN?

Kilimokit oni Ebaibuli ebe Emoyo noka launan erai apedori naka Edeke, mam erai itunganan, atikite aswanisio. Etikite Edeke Eke Moyo. Kolimok emalaika Maria atiar: "Kidoikinin ijo Emoyo noka launan kiriapari agogong naka Je no ejai kaju kakaju, kanuka ngun Yeniuruno enyarao yeni kalaunan okoku loka Edeke" (Luka 1:35). Inerere abeit. Abu Edeke kitosoma ake Pedori, kanu adumunia okooke Yesu. Okooke cut obe.

5. ANYOINA AJENA KOINGAREN NA EBUNI AJAUN KIDING EDEKE KEDE KA YESU.

Karaida kwana kenapit Yesu akuwan na mam etwani, ake swam esalakini egitakina kane ejai aswam ke Edeke kotoma apaki na esupana ebuni Edeke aijukun Yesu bobo toma akwap na kanu ageari ake kabakanut (Zakaria 9: 9-10, Matayo 25: 31). Ebuni Yesu araun Ekabaka, iton angeset ne ititingia ngesi akabakanut ne ejai papake Edeke. Yesu kwape okoku loka Edeke ido esalakini erai okoku ke, ido era Edeke nesi ngini ibore kere (1 Ikorinton 15: 23-29).

Oni da kipedori ajaun tomani akabakanut naka Edeke. Adumun arereng naka aijar na ikaru kere kebongu Yesu, Ekot oni:

(a) Aiyun akirot naka Edeke kede aidar ike kicorakina.

(b) Aidar ainakinet na epol noi naka Edeke na abu koinakina okoku ke edope no teluna.

(c) Aitipolorit aswam ka Yesu, lo abu kotwanik oni (kotwana kanu wok).

Konye kolim Yesu akirot na awasia: Aijar na mam edaun nesi na ebe, kojenutu jo Edeke ediopet loka abeit, ka Yesu Chrisito lokijukuni (Yokana 17:3).

Kolimokinai iso arai ikoto ijo aisisianakineta nu ipu nuke. Ebaibuli kede ka aiyun na Christadelphians. Ikoto ijo ace papulai koipone kalo.

Arai ipuda kingit idio tungan yen Christadelphian yen idunyator kajo arai kiwadikak luta:

Christadelphian Bible Mission (Uganda), 404 Shaftmoor Lane, Hall Green, Birmingham, B28 8SZ.

CBM Office (Uganda), c/o Okasio Andrew / Otule George, PO Box 36, Pallisa, Uganda.